

Powšitkowne WOZJEWJENJA

jutrońčku, 4. apryla 2021

Wusyłanje Božich mšow

Serbskorěčnej Božej mši móža wěriwi tutu njedźelu, jutrońčku, 4. apryla, znova jako live-stream w interneće sćehować. Dopałnja w 9 hodź. přenjeso wona z Chróšćanskeje cyrkwy, dalša w samsnym času z Kulowa. Jutrownu pónđzelu, 5. apryla, přenjesetej so tohorunja Božej mši: w 9 hodź. z Chróšćic a hižo we 8.30 hodź. z Kulowa.

Linki su na internetowych stronach www.posol.de kaž tež Chróšćanskeje a Kulowskeje wosady wozjewjene.

Hudźbne wobrubjenje Božich službow

Hudźbnicy a spěwarjo Serbskeho ludoweho ansambla wobrubja jutrownu pónđzelu, 5. apryla, Bože služby we wšelakich serbskich katolskich wosadach: w 7.30 hodź. w Zdžeri, we 8.30 hodź. w Ralbicach, w 9 hodź. a w 10.30 hodź. w Radworju kaž tež w 10.30 hodź. w Rakecach.

Konrada Adenauerowa založba wěnuje so serbskim temam

Pod hesłom „Serbja we Łužicy. Drěmacy pokład w Sakskej?“ přeprašuje Politiski kubłanski forum Sakska Konrada Adenaueroweje založby na rjad onlinowych zarjadowanjow z diskusiju. Wone wotměja so stajnje srjedu wot 18 hodź. přez platformu Zoom. Dalše zarjadowanje budže srjedu, 7. apryla, na kotrymž přednošujetaj Chróšćanski farar Měrćin Deleńk a jednaćel Budyskeho Ludoweho nakładnistwa Domowina Pětr Syman Cyž ke „Křižerjam a ptačemu kwasej. Serbska kultura mjez pandemijowym modusom a starosćemi wo eksistencu“. Zarjadowanje pokročuje 14. apryla. Potom wěnujetaj so Marja Michałkowa, něhdyša zapósłanča Zwjazkoweje sejma a něhdyša předsydka Rady za serbske naležnosće Sakskeho krajneho sejma, kaž tež Slepjanski wjesnjanoša Jörg Funda k temje „Jedyn lud, jedyn hłós!? Politiska participacija Serbow w Sakskej“. Hosćo poslednjeho zarjadowanja 21. apryla pod hesłom „Młodži a dynamicy. Perspektiwy do přichoda za Serbow“ budu předsyda Domowiny Dawid Statnik kaž tež Helena Hejduškec a Jakub Wowčer ze Serbskeho młodžinskeho towarstwa Pawk. Za kóžde zarjadowanje je přizjewjenje trěbne. Z wobkrućenjom dóstanu zajimcy potom tež přistup připóslany. Link na stronu k přizjewjenju je pod www.posol.de wozjewjeny.

Serbske kemše w Drježdžanach

Drježdžanscy Serbja su na maćernorěčne Bože mšě do cyrkwy swjateho Antonija w Drježdžanach-Löbtauwe, Bünauska hasa 10, přeprašeni. Kemše budže farar Gabriš Nawka stajnje njedźelu, 11. apryla, 4. julija a 12. septembra, swjećić, dalokož to postajenja dowola.

Modlenje w Róžeńće

Na modlersku hodžinu před wustajenym Najswjećišim su wěriwi sobotu, 24. apryla, we 18 hodź. do Róžeńćanskeje hnadowneje cyrkwy přeprašeni. Modlitwy spěwaja so serbsce a němsce.

Přeprošenje k spominanju a modlitwje

Pod heslom „Čas k žaloscenju – rum za nadžiju“ přeprošuja njedželu, 18. apryla, nabožne zhromadženstwa a cyrkwy k zhromadnemu spominanju na wopory koronoweje pandemije, jich swójby, ale tež k modlenju za tych, kiž pod tutej pandemiju w Němskej a po wšěm swěće ćerpja. Na mnohich městnach wotměja so tón džeń tež Bože služby. Wšelake impulsy a dalše informacije k tomu su na internetowej stronje Drježdžansko-Mišnjanskeho biskopstwa wozjewjene. Link k tomu je pod www.posol.de podaty.

Caritas testuje na wsach na koronu

Hornjołužiski zwjazk Carity testuje na serbskich wsach ludži na koronu. Stajnje póndželu – nimo jutrowneje, 5. apryla – steji mobilny team wot 8 do 9.30 hodž. w Njebjelčicach při Heldec hospodže, wot 10 do 11.30 hodž. w Róžeńće při gmejnskim zarjedže, wot 12 do 13.30 hodž. we Worklecach při hornim wjesnym haće a wot 14 do 15 hodž. w Chróscicach při „Jednoće“. W Pančicach-Kukowje steji team stajnje štwórtk wot 10.45 do 12.30 hodž. při gmejnskim zarjedže. Dalša stacija testowanja je w Smochčanskim kubłanišću swjateho Bena. Tam ma Caritas jedyn ze štyrjoch testowanskich centrow. Do toho měli pak so zajimcy přizjewić. Linkaj k tomu stej pod www.posol.de podatej.